



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 132. Condæus Princeps Parisios reversus.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. A. C. 1616. brarum, ut, & militibus, quæ debentur stipendia, & quæ in bello hoc contracta sunt, debita alia exsolvere inde possint, a Rege suppeditentur. Decreta sunt hæc, & a Rege, Reginaque Matre confirmata die sexta Maij, qua die pax hæc Lutetiæ Parisiorum promulgata fuit, lecto in plateis mandato Regio.

Decimo post die Rex cum Coniuge sua Parisios advenit, ingenti pompa, populique lætitia exceptus: demum vero Condæo, ceterisque tam Catholicis, quam Reformatis quindecim centena millia librarum Rex, uti caverat, suppeditabat, ut Germani milites dimitti, atque ad fines Germaniæ secure deduci, ceterisque militibus stipendia, contractaque debita persolvi possent.

§. CXXXII.

*Condæus Princeps Parisios reversus.**Serran.**Franc. Hist.**pag. 935.**Calmet hist.**Univ. l. 151.**Gramond.**Hist. Gall.**lib. 2.*

Firmata utrinque pace Principes ad aulam rediere, & primi quidem Mayenius, & Bullionius Duces, quos Rohanius Dux, Rosnius Marchio, & Comes Candalius sequebantur, Parisios reversi sunt, Condæus vero literis Regiis iterato vocatus, Rupefortium ablegabat, qui valetudinis curandæ obtentu absentiam excusaturus, simul Regi

expo-

exponeret, quod ad aulam redire haud Sæc. XVII.
 posset, nisi prius omnibus, præcipue A. C. 1616.
 circa exules Pictavienses, adimpletis
 concordiae Legibus, sibi que soli, exclu-
 sis etiam suæ factionis Proceribus, con-
 cessa Senatum ingrediendi, ac præsi-
 dendi facultate. Annuente igitur Re-
 ge huic petitioni Condæus die vigesima
 Julii Lutetiam ingressus est, magnis
 honoribus exceptus. Advenerat quo-
 que die prima Augusti Hayesius patria
 Scotus a Jacobo I. Angliæ Rege eo fine
 ablegatus, ut de connubio inter Caro-
 lum Walliæ Principem, & Christinam
 Ludovici XIII. Sororem ineundo age-
 ret: Ea autem jam Sabaudi Ducis Filio
 promissa, Orator re infecta in Angliam
 reversus est: Paulo ante idem Rex An-
 glus Egmondum Oratorem suum in
 Franciam decernebat, qui de pace cum
 Rege, & Principibus ageret: *factum*
atrox, inquit Gramondus, quo se omnis
secta mancipabat extero Regi, data prævia
fide, si res posceret, neque mirum ita cen-
suisse Sectarios, quorum semper præcipua
fuere studia in Regem Anglum, quid aliud
est pati exterum Principem, mediatorem a-
gere Regem inter & subditos, quam pre-
cario illis lege dicta, trahere in alienum ar-
bitrium jura dominii?